

嘉靖尉氏縣志

尉氏縣志序

夫志之所繫也亦重矣所以辨方
位錄貢賦聚物昭跡彰往貽來垂
範而資治焉者是以聖王務焉顧
弗重矣乎然志者史之遺也古者
列國各有史而職方之列小史之

掌所以專其事以立極也第淑靈
代降而史才恒難務博者泛而弗
切尚約者略而罔備中無物者則
去取弗嚴而法例不立三弊起而
志之作也難矣尉氏舊有志蕪訛
踈謬略具梗目未足爲全書也嘉



靖丁未邑侯曾君嘉誥以政成化
孚修舉百墜覽舊志而深憫其闕
乃喟然嘆曰邑無志猶之國無史
也蔑從稽矣是非尹茲土者之責
歟以廣文汪君心力學嗜古人也
可任其事遂幣徵就局復請鄉進

士傅宗魯馬載道庠生孫宗瑞等
相與搜羅讎校於是靡微弗鈞靡
隱弗彰綴其闕而訂其訛續其落
而清其紊凡八越月而書成是故
山川異勢沿革異宜區域有限而
俗尚相因則風土有志而盛衰具

矣勤民設牧撫時明法循靈異趨
而美疵相形則官政有志而鑒戒
昭矣哲人雖徂典刑未泯一技一
節足以表異而正俗也則人物有
志而儀範立矣若夫博以雜志則
往跡弗失而疑貳者決焉詳以詞

翰則文獻足徵而制作備焉弗泛
弗略去取嚴而法例弗惑誠足以
觀民風而裨

國史駸駸乎班馬之遺良也書將成
適曾君銳意養高致其官而去歲
戊申李君德光以臬幕來攝縣事

約已豐物民安其居於文事尤留心焉觀汪君之作而善之曰是裨吾之政弗少也遂毅然鋟諸梓錫邑人也病無志也久矣於是嘉二君之志而知作者之心因書此於簡端

嘉靖二十七年歲次戊申十二月
立春前一日

賜同進士出身山東濟南府淄川縣
縣丞前吏科右給事中月川馬錫
序

尉氏縣志序

黎源汪心著

尉氏在九州爲豫地周武王封曹叔于宋
時以陳留入宋矣至宣王封桓公于鄭乃
始分隸之子產相鄭尉氏名列左氏傳中
固春秋所爲經也孔子過鄭與子產如兄
弟又爲聖人所過化之地也以至向城之

師蒐城之勞蔣城之胙祭其山川人物則
已見於中古矣秦孝公會諸侯於逢澤戰
國策也范曄待王稽於三亭之南史記也
韓懿侯伐魏之對乎雞鳴城水經注也故
鍾城宛陵城之界乎尉氏縣述征記也是
皆班班可考所爲誦言者一同之區七里

之郭禮樂之陳竹帛之寄未有能循古今
該巨細勒成一家之言使與遷書固志嶠
典勅錄相頡頏以入禹貢職方氏之彀率
以闖三墳五典八索九丘之藩籬而博雅
之士讎校之司討論訂證其爲文獻無徵
之嘆也宜亦屢矣永樂間遇

尉氏志

卷二

二

朝命嘗一爲之正統間有寫本成化間有刻
本三書存亡或異爰觀大明一統志及河
南總志則知其書之詳略從違有以爲之
濫觴也已屬者胡君九功趙君頽各有私
錄未之見王君選王君道寧王君賓賢王
君錫爵馬君錫輩往往爲有司者言之嘉

靖丁未秋仲縣大夫曾侯開局聚書傳君
宗魯馬君載道孫生宗瑞戎生練胡生畧
暨心應聘且各出其所藏以從事心齒序
猥當執筆甫五閱月半已入梓越明年戊
申厄罹炊臼罷局而曾侯亦遂致仕以去
會憲幕李侯來署篆重曠

國典冬初乃復相與卒業而書出矣書凡五
卷夫所爲志風土非事堪輿也務悉土著
以相安也其志官政非事緣飾也務律官
箴以相信也其志人物非事臧否也務昭
人品以相觀也若夫網羅賸隱之錯雜點
綴文章之紛郁亦莫不各有載削之指歸

終今以來稽往拾遺條刺汗簡庶幾頭緒
之為可尋耳顧抗顏立論非苟以是求知
也一微一闡一進一退蓋已無所逃罪矣
然曾侯造端託始之有其功李侯興廢舉
墜之成其能傅馬孫戎胡諸賢紬繹其言
掎掖其事之不遺餘力有足多者又安敢

不併陳之於編次之首端也哉曾名嘉誥
字時錫麻城縣人李名德光字謙甫定州
人其文為若此其所為政從可知矣

嘉靖二十七年十二月望前二日

門北



點將臺 抗擊臺 看花臺



教場

鐵佛寺

土地廟

社學

八蜡廟

門東小

臺

馬驛 分司 總舖 尉氏縣 申明亭 文廟 文昌祠 分司 城隍廟 養濟院

門西小

府館

儒學

醫學

陰陽學

臺

社學


門東大


臺

門南



門西大





纂修尉氏縣志凡例

一縣志永樂十六年初本無傳矣正統年間寫本成化二十年刊本二志雖存然皆未及詳考經傳史集今頗蒐輯爲之

一志爲史家一體耳故漢書於帝紀諸侯王表列傳之間有天文地理等志若今之志既自爲一書不必隨事曰某志某志但倣蘭谿縣志祭酒章懋修分作

五類一曰風土二曰官政三曰人物四曰雜志五

則倣河南總志

提學僉事吳伯通石淮先後所修

而以詞翰終之

尉氏志

卷之九

三

二

焉

一所志出正統寫本成化刊本或止稱舊志其出大明一統志河南總志或止稱一統志總志然亦不盡書也惟於有考異者則書之若出諸經史集者必書曰出其書

一舊志所當纂傳間有踈漏則增補之訛舛則訂正之皆稱按以識其別

一志風土官政人物并雜志詞翰之事各以類相從而其所以志之之意具白于各條之首

一古制與 今之事例槩行天下者不俟登載而田土戶口民業貢賦鹽法役法必兼前代之等差當朝之榜例而書之重民命也

一立學設科分教格式卧碑敬一箴吾人欽佩有年今復摹傳之者亦惟欲人常接乎自每警早心焉爾矣

一凡造作董役有勞當錄其人惟其名得入記文者不書

一古今人物必史傳可信及其人既往而可述者方為立傳餘則直書其出身履歷以俟他日之筆

一氏叔琮唐史姦臣傳曰汴州人五代史曰開封尉氏人梁朱全忠遣叔琮與李彥威等弒唐昭宗已而殺之舊志以之為尉氏人物既非書法且為之諱曰歲餘卒尤非實錄特削去之惟載其巔末于遺事中以見美惡並志之公云

一鄉賢名宦孝行進士鄉貢歲貢例貢徵辟爵與謚號其人之行實已具別項志中矣但隨所在舉其姓名不重出也

一官人以身言書判四事爲選身與言判可於傳中求之書則無所於見曰志字學以表其善者此例以義起之謂也

一古昔尚寓公故志游寓而士大夫遷徙不忘其初禮有將徙於諸侯自諸侯來徙家之文故志外徙然游寓則志之于官政類之末外而內之也外徙則志之于人物類之末內而外之也此又一義例也

一古今詩文關係於時制與時事可以信今傳後者方入志或事當入志而辭涉繁冗者遵朱子伊洛淵源例畧加刪節否則其文雖善不敢妄載蓋所志以其實不以其文也

一臨文直書作者姓名以便查考亦史家例也又皆隨事爲先後不復論其世次

尉氏縣志目錄

卷之一 風土類九條

建置沿革 分野 縣名

疆域附驛程 形勝附景致 山川附井泉

田土附王庄 城郭 坊巷

戶口 保分 水利

橋渡 歲時 市集

風俗 民業 物產

卷之二 官政類九條

設官附歷宦 公署 廟學附社學

壇壝附城隍 貢賦 鹽法

役法 仁政 軍政附民兵

游寓

卷之三 人物類九條

儒林 孝行 獨行

勲業 履素 氣節

宦蹟 進士 鄉貢

歲貢附選貢 例貢 武職

徵辟

隱逸

列女

死義

字學

爵典

謚號

恩封

壽考

冠帶生員

旌義

死事

仙釋

外徙

卷之四

雜志類九八

古蹟

寗墓

祠廟

寺觀

遺事

遺書附外書

祥異

傳疑

尉氏志

六目錄

二

二

卷之五

詞翰類九四

制命

碑碣

序述

詩詞

河南開封府尉氏縣儒學教諭婺源汪心纂修

舉人傳宗會

馬載道

生員孫宗瑞 戎練 胡畧 校集

腰佩英督刊

尉氏縣志目錄終